



Sarajevo, **23-09-2026**
Broj: 03-57-2-36880-1/2026

Na osnovu člana 70. i 88. Zakona o javnim nabavkama ("Službeni glasnik BiH", broj: 39/14, 59/22 i 50/24), člana 99. Statuta Javnog preduzeća Elektroprivreda Bosne i Hercegovine d.d. – Sarajevo - Prečišćeni tekst broj: NO-2190/21-41./2. od 25.01.2021. godine i Statuta o dopuni Statuta Javnog preduzeća Elektroprivreda BiH d.d. – Sarajevo, broj: SD-20745/21-70./6. od 30.07.2021. godine, člana 28. i 75. Pravilnika o nabavkama Javnog preduzeća Elektroprivreda Bosne i Hercegovine d.d.-Sarajevo, broj: NO-35498/22-98./3. od 27.12. 2022. godine, broj: NO-18946/23-104./5. od 05.06.2023. godine i broj: NO-41163/24-52./3. od 21.11.2024. godine, člana 5. stav (6) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva - Prečišćeni tekst, broj: 06-8661-1/2023 od 10.03.2023. godine, Odluke o izmjeni i dopuni Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva, broj: U-01-40623-1/23-18/34 od 14.11.2023. godine, Odluke o izmjeni Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva, broj: U-01-2332-1/25-137/26 od 28.01.2025. godine i Odluke o dopuni Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva, broj: U-01-12945-1/26-243/21 od 28.04.2026. godine, Direktor Podružnice „Elektrodistribucija“ Sarajevo, na preporuku Komisije za nabavku, donosi:

O D L U K U

o izboru najpovoljnijeg ponuđača

Član 1.

U postupku konkurentskog zahtjeva za dostavu ponuda, broj: **KZ-11A/26 – „Zbrinjavanje opasnog otpada“**, kao najpovoljniji ponuđač izabran je:

C.I.A.K. d.o.o. Sarajevo

Član 2.

Zadužuje se Služba za komercijalne poslove Podružnice "Elektrodistribucija" Sarajevo da u roku od 3 (tri) dana, a najkasnije u roku od 7 (sedam) dana od dana donošenja ove Odluke, istu dostavi ponuđačima koji su blagovremeno dostavili ponude i time ih obavijesti o rezultatima postupka navedenim u Odluci.

Obrazloženje:

Postupak konkurentskog zahtjeva za dostavu ponuda, broj: **KZ-11A/26 – „Zbrinjavanje opasnog otpada“**, pokrenut je Odlukom o pokretanju postupka javne nabavke i imenovanju Komisije za nabavke broj: 03-57-2-24803-1/2026 od dana 24.06.2026. godine. Ugovorni organ JP Elektroprivreda BiH d.d. – Sarajevo, Podružnica "Elektrodistribucija" Sarajevo objavio je dana 25.06.2026. godine na Portalu javnih nabavki Bosne i Hercegovine, Obavještenje o nabavci broj: 1437-7-2-66-3-90/26.

Rok za dostavu ponuda bio je 16.07.2026. godine do 09:30 sati, a otvaranje ponuda je izvršeno istog dana u 10:30 sati.

Ponude su blagovremeno dostavili ponuđači:

Naziv ponuđača	Cijena bez PDV-a	Popust
1. C.I.A.K. d.o.o. Sarajevo	6.000,00 KM	NE
2. "KEMEKO-BH" d.o.o. Lukavac	5.940,00 KM	NE

Ukupna procijenjena vrijednost nabavke iznosi 6.000,00 bez PDV-a, po kriteriju za dodjelu ugovora "najniža cijena".

Komisija za nabavku, imenovana gore navedenom Odlukom Direktora Podružnice "Elektrodistribucija" Sarajevo, izvršila je otvaranje, pregled i ocjenu dostavljenih ponuda, te utvrdila da ponuda ponuđača C.I.A.K. d.o.o. Sarajevo zadovoljava uslove određene predmetnim tenderom, stoga je ocijenjena prihvatljivom, u smislu člana 2. stav (1) tačka 1) alineja 1. Zakona o javnim nabavkama.

Ponuda ponuđača "KEMEKO-BH" d.o.o. Lukavac odbacuje se kao nepravilna iz razloga kako slijedi:

- Tačkom 4.1. Tenderske dokumentacije, određeno je da ponuđači moraju dostaviti popunjen Obrazac za cijenu ponude – specifikacija iz konkurentskog zahtjeva za dostavu ponuda, ovjeren pečatom i potpisom ovlaštenog lica ponuđača.

Ponuđač je na stranici 4 ponude, dostavio Obrazac za cijenu ponude – specifikacija koji nije ispravno popunjen. Naime, ponuđač nije popunio polje, odnosno upisao vrijednost u rubriku pod nazivom „Ukupan iznos sa PDV–om (KM)“, stoga dostavljena ponuda nije u skladu sa traženim uslovima iz tenderske dokumentacije, te stoga ista ocijenjena kao nepravilna.

- Tenderskom dokumentacijom je određeno dostavljanje popunjene i potpisane Izjave o sukobu interesa iz člana 52. Zakona o javnim nabavkama BiH, koja je ovjerena kod nadležnog organa – notara ili organa uprave.

Ponuđač je na stranici 14 ponude dostavio popunjenu i ovjerenu izjavu, koja nije ispravno popunjena. Naime, ponuđač nije popunio polje u koje je bilo potrebno navesti datum objave Obavještenja o nabavci. U skladu sa prethodno navedenim, ponuda ponuđača nije u skladu sa traženim uslovima iz tenderske dokumentacije, stoga je ista ocijenjena kao nepravilna.

- Tenderskom dokumentacijom, u okviru Obrasca za ponudu – usluge (Aneks II), tačkom pod rednim brojem 5, određeno je da ponuđači navedu da li je njihovom ponudom predviđeno podugovaranje i to označavanjem kvadratića u predmetnom obrascu. Ukoliko je podugovaranje predviđeno, ponuđač je bio dužan navesti procenat podugovaranja.

Ponuđač je dostavio Obrazac za ponudu – usluge (Aneks II) na stranicama 2 i 3 ponude, međutim nije označio predviđeni kvadratić ni pored "DA", ni pored "NE", tako da dostavljena ponuda nije u skladu sa uslovima određenim tenderskom dokumentacijom, te je ocijenjena kao nepravilna.

Imajući u vidu gore navedeno, a kako ponuda ponuđača nije zadovoljila uslove tražene tenderskom dokumentacijom, ista je zbog neispunjavanja zahtjeva traženih tenderskom dokumentacijom ocijenjena kao nepravilna, u smislu člana 2. stav (1) tačka 1) alineja 3) Zakona o javnim nabavkama. Shodno navedenom, a u



skladu sa članom 68. stav (4) tačka i) Zakona o javnim nabavkama, ugovorni organ dužan je odbaciti zahtjev za učešće ili ponudu i u slučajevima kad ponuda nije potpuna i ne ispunjava zahtjeve iz tenderske dokumentacije, što se ima primjeniti u konkretnom slučaju.

U predmetnom postupku predviđena je primjena e-Aukcije, ali obzirom da je dostavljena samo jedna prihvatljiva ponuda, u skladu sa članom 4. stav (2) Pravilnika o uslovima i načinu korištenja e-Aukcije, e-Aukcija nije provedena.

U skladu sa rezultatima evaluacije, Komisija za nabavku ugovornog organa je, na osnovu ukupne ocjene ponuda, predložila izbor **C.I.A.K. d.o.o. Sarajevo** za najpovoljnijeg ponuđača, sa ukupnom cijenom ponude u iznosu od **6.000,00 KM (bez PDV-a)**.

Na osnovu iznesenog, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se podnijeti žalba Uredu za razmatranje žalbi putem JP Elektroprivreda BiH d.d. – Sarajevo, Podružnica "Elektrodistribucija" Sarajevo u roku od 5 (pet) dana od dana prijema ove Odluke.



Dostaviti:

- Ponuđačima;
- 57-2;
- a/a

